

Il mas-chalch da Sent



Publicaziuns officialas. Cumpara seguond bsögn.
2006/2008
no. 51

7554 Sent, 2 mai 2008 / mw

Publicaziun da fabrica

Reguarda: Modificaziun dal proget dals 08.08.2007, Palüds da Sala, parc. no. 77
Patrun da fabrica: Rüedi Barbara & Albert, Achslenstrasse 6, 9016 St. Gallen
Profilà: 02.04.2008
Publicaziun: 02.05.2008
Termin da protesta: 22.05.2008

Publicaziun da fabrica

Reguarda: Suottet per autos e terrassa, Bügliet 91, parc. no. 206
Patrun da fabrica: de Weck Claudia & Roger, Rütistrasse 22, 8032 Zürich
Profilà: 14.04.2008
Publicaziun: 02.05.2008
Termin da protesta: 22.05.2008

Edizium: Tuot ils plans sun exposts in büro cumünal.

Recuors: Protestas da dret public sun d'inoltrar infra 20 dis in scrit, a partir da la data da publicaziun, al Cussagl cumünal.

In nom da la cumischiun da fabrica

Concert da la scoula da Sent cun bündnerflAisch

Daspö il cumainzamaint da quist on da scoula exerciteschan ils scolars e las scolaras da la 5 – 9 classa per ün concert. Il program es varià cun 12 chanzuns da differents pajais dal muond ed ün pêr chanzuns da la grupp da pop grischuna bündnerflAisch. Ils 45 scolars vegnan sustgnüds dad ün cor ad hoc da creschüts, da duos musizists da bündnerflAisch, da Domenic Janett (saxofon e clarinetta) e da Sara Bigna Janett (solista).

Sco dirigent vaina pudü ingaschar a Jachen Janett. La data da's remarchar pel concert es als **24 da mai a las 20.15 illa baselgia da Sent.**

Bigliets pel concert as poja retrar pro'l büro da trafic da Sent;
15.- per creschüts e 7.- per uffants; las plazzas in baselgia nu sun numeradas.

Scoula Sent

Liber da far romma

A partir da **sonda, 3 mai 2008** esa liber da far legna sün tuot il cuntegn da god. **Exclus es il tagl actual dal Munt, e'l Plan dal Piz.** Tuot ils retagls suot 3 m. lunghezza pon gnir rumits. Per plaschair rumir l'ultim la romma e la fronzla our da las vias.

Il silvicultur

17 mai, di dal sulai

Hast interess per la producziun d'energia solara?
Schi vè ans far üna visita!



Sonda davomezdi, als 17 mai, poust t'infuormar e verer sül lö nos implant chi funcziuna daspö ils 9 avrigl.

- Sar R. Hächler, Solarstatt Cuoir
 - Sar Hermann, ewz
 - Sar R. Vitalini, EE
- dan davent da las 14.00 differentas spiegaziuns.

I dà eir üna marendina
No'ns allegrain da't verer quel di sün Sarandschasch

Famiglia Men Caviezel

A poster with a dark brown background. At the top left is a detailed image of an axe head. The text 'ART KUNST' is written in white, with a large yellow ampersand (&) overlapping the word 'KUNST'. Below this, 'MANSTERS VEGLS' is written in large white serif font, followed by 'ALTES HANDWERK' in a smaller white serif font. At the bottom, the event dates 'Eivnas da god Sur En|Sent 9-29|6|2008' are listed. A yellow banner at the very bottom contains smaller text in Italian.

ART
KUNST
&
MANSTERS
VEGLS
ALTES HANDWERK

Eivnas da god Sur En|Sent
9-29|6|2008

Las eivnas da god in gën 2008 a Sur En dessan dvantar ün lö d'inscunter per giuven e vegl, indigen e giast.

No lain preschantar las 4 attraccziuns:
charbunera|chalchera|valtellina|simposi da sculpturs

Üls visitadurs vegnan manats tras differentas occupaziuns actualas e dal temp vegl. Il lö d'inscunter Sur En es fich adattà e spordscha ün ambiaint ideal per üna tala occurrenza. Sper las ustarias existentas (Val d'Uina e Sper la Punt) daja da tuottas sorts surpraisas illa tenda da festa. Impustüt las scoulas, ma eir societats ed otras instituziuns sun cordialmaing invidadas da gnir a savurar, palpar e verer che cha no vain da spordscher.